

Нан және нан-тоқаш өнімдері, піскен нан орнына сатылатын ұн, жарма ұнтақ, тары және құрама жем өткізуден болатын шығынның орнын толтыру үшін жетіспейтін қаражатты кредиттеу тәртібін бекіту туралы

Күшін жойған

Қазақстан Республикасы Министрлер Кабинетінің қаулысы 7 желтоқсан 1992 ж. N 1029. Күші жойылды - ҚР Үкіметінің 2005 жылғы 9 ақпандағы N 124 қаулысымен

Қазақстан Республикасының Министрлер Кабинеті қаулы етеді:

1. Қазақстан Республикасының Ұлттық мемлекеттік банкісімен келісе отырып Қазақстан Республикасының Қаржы министрлігі, Қазақ мемлекеттік-акционерлік "Қазастықөнімі" концерні әзірлеген нан және нан-тоқаш өнімдері, піскен нан орнына сатылатын ұн, жарма ұнтағы, тары және құрама жем өткізуден болатын шығынды кредиттеу тәртібі бекітілсін.

2. Қазақстан Республикасының Қаржы министрлігі "Қазастықөнімі" концернімен бірлесе отырып жыл аяқталғаннан кейін 1993 жылдың 1 сәуіріне дейін аталған өнімдердің бағасындағы айырманың орнын толтыру үшін несие қарыздарды өтеу көздері жөніндегі ұсыныс енгізетін болсын.

3. Нан және нан-тоқаш өнімдері, піскен нан орнына сатылатын ұн, жарма ұнтағы, тары, құрама жем өткізуден болатын шығынның орнын толтыру үшін жетіспейтін қаражатты кредиттеудің бекітілген Тәртібі 1992 жылдың 1 қазанынан бастап күшіне енгізілетін болып белгіленсін.

Қазақстан Республикасының

Премьер-министрі

Қазақстан Республикасы
Министрлер Кабинетінің
1992 жылғы 7 желтоқсандағы
N 1029 қаулысымен
Бекітілген

**Нан, нан-тоқаш өнімдері, піскен нан орнына сатылатын ұн, жарма ұнтағы, тары және құрама жем өткізуден болатын шығынның орнын толтыру үшін жетіспейтін қаражатты кредиттеу
Тәртібі**

Осы Тәртіп Қазақстан Республикасы Президентінің "Республика халқын 1992 - 1993 жылдары азық-түлікпен қамтамасыз ету жайы мен шаралары туралы" 1992 жылғы 17 қыркүйектегі N 917 қаулысын орындау үшін және Қазақстан Республикасы Министрлер Кабинетінің "Нанның, нан-тоқаш өнімдерінің, тарының және жарма ұнтағының бағасы туралы" 1992 жылғы 16 қыркүйектегі N 767, "Қазақстан Республикасы Президентінің 1992 жылғы 17 қыркүйектегі N 917 қаулысын орындау туралы" 1992 жылғы 7 қазандағы N 836 қаулыларына сәйкес әзірленді және бекітілді.

Аталған Тәртіп реттелетін баға бойынша нан, нан-тоқаш өнімдерін, піскен нан орнына халыққа сатылатын ұн, жарма ұнтағын, тары және құрама жем өндірумен және өткізумен айналысатын халық шаруашылығының нан пісіретін кәсіпорындарының барлық салаларына ұн тартатын, жарма және құрама жем кәсіпорындарына таратылады.

Жоғарыда аталған кәсіпорындар мен ұйымдарға реттелетін баға бойынша мемлекеттік кәсіпорындар мен әскери саудаға, қоғамдық тамақтандыруға (II және III санаттағы асханалар мен буфеттерге), әскери бөлімдерге, Қазақ тұтынушылар одағына, жұмысшыларды жабдықтау бөліміне, жұмысшыларды жабдықтау басқармасына мемлекеттік ресурстағы астықтан өндірілген нан және нан-тоқаш өнімдері, піскен нан орнына берілетін ұнның барлық сорттары, тары және жарма ұнтағын өткізген кездерінде қосымша құнға салынатын салықсыз еркін жіберілген баға мен қосымша құнға салынатын салық пен сауда жеңілдігі шегерілген мемлекеттік реттелетін бөлшек сауда бағасы (1992 жылғы N 001-05 және 002-05 преysкуранттар) арасындағы айырма өтелетін болады. Бұл орайда халыққа піскен нан орнына сатылу үшін жіберілетін ұнның барлық сорттары бағасындағы айырманы өтеу облыс әкімдері белгілеген көлемдер шегінде жүргізіледі.

Барлық тұтынушыларға құрама жем жіберген кезде (қайтарма сауда тәртібімен мемлекетке берілетін ауыл шаруашылығы дақылдарының тұқымдары мен өсімдік шаруашылығы өнімдерінің басқа да түрлерін тапсырудан, баспабас айырбас және сырттан келетін астықтан басқасы) құрама жем кәсіпорындарына қосымша құнға салынатын салықсыз еркін жіберілген баға (жіберілген бағаның қалыптасуы кезінде рентабельділік деңгейі 10 процентке дейінгі) мен қосымша құнға салынатын салықты белгіленген мөлшерде шегере отырып жіберілген шекті баға арасындағы айырма өтелетін болады.

Барлық жүйедегі нан пісіретін, ұн тартатын, жарма және құрама жем кәсіпорындары өздерінің тұрған жерлері бойынша қаржы органдарына айына 2 рет, әр айдың 10-шы және 25-ші күндерінен кешіктірмей келтірілген нысан бойынша 2 дана етіп нан, жарма және құрама жемді өткізуге байланысты болған шығынның сомасы туралы есептер тапсырады.

Қаржы органдары (ауданқалалыққаржы бөлімдері) тапсырылған құжаттарды тексеріп болғаннан кейін соманың орнын республикалық бюджет арқылы толтыру үшін есеп айырысу чектерін толтырып береді және оларды есептік-кассалық орталыққа тапсырады, олар Ұлттықмембанкінің 81 таңбасы, 16 параграфы, 221 бөлімі бойынша N 120 "Республикалық бюджеттің шығындары" атты баланстық шотесебі мен "Астық өнімдері бойынша баға айырмасын өтеу (кредит ашпастан)" атты шотесептерін дебеттейді және кәсіпорындар мен ұйымдардың есеп айырысу (несиелік) шотесебіне аудара отырып коммерциялық банкінің корреспонденттік шотесебін кредиттейді.

Аталған өнімдердің бағасындағы айырманың орнын толтыру жөніндегі есептерді жүргізу үшін Ұлттық мемлекеттік банкі республиканың Қаржы министрлігіне (N 804 баланстық шотесеп) кредиттік желі ашады.

Қаржы министрлігі N 804 баланстық шотесеп бойынша операцияларды ресімдеу үшін Ұлттық мемлекеттік банкпен шарт жасасады, онда банк кредитін пайдаланғандығы үшін жылына 6 процент ұсталатын қажетті кредит мөлшері қарастырылады. Проценттер сомасы N 804 шотесептің дебетіне жазылады, Қазақстан Республикасы Қаржы министрлігінің міндеттемелерімен ресімделеді және несиелік қарызды өтеу тәртібі сияқты, яғни бюджет және астықты республикадан тысқары сатудан алынған табыстар есебінен өтеледі.

Аталған кредит Қазақстан Республикасының Қаржы министрлігіне 1993 жылдың 20 сәуіріне дейінгі мерзімде беріледі. Бір жыл өткеннен кейін, бірақ 1993 жылдың 1 сәуірінен кешіктірмей, Қаржы министрлігі "Қазастықөнімі" концернімен бірлесе отырып, N 804 баланстық шотесепте есепке алынған қарыздарды өтеу көздерін анықтайды, бұл орайда Қазақстан Республикасы Министрлер Кабинетінің 1992 жылғы 7 қазандағы N 836 қаулысына сәйкес кредиттің 40 проценті астықты республикадан тысқары сатудан алынған табыстары есебінен өтелетін болады.

Баға айырмасының орнын толтыру үшін есептердің дұрыс әзірленуі жөніндегі жауапкершілік, оларды қаржы органдарына тапсыратын кәсіпорындар мен ұйымдарға жүктеледі.

Қаржы органдары баға айырмасының орнын толтыру үшін тапсырылған есептердің дұрыстығы жөніндегі мәселелер бойынша кәсіпорындар мен ұйымдарда оқтын-оқтын тікелей тексеру жүргізеді. Осы аталған мақсаттарға кәсіпорындар мен ұйымдар артық қаражат алған жағдайда, артық алынған қаражат сомасы осы кәсіпорындар мен ұйымдардың есебінен бес күн мерзімде қайтарылуға тиіс.

Нысан

**Еркін жіберілген баға мен реттелетін сауда бағасы
арасындағы (сауда-өткізу жеңілдіктері мен қосымша құнға
салынатын салықты шегере отырып) айырманың
_____ аралығындағы**

Есебі

(Кесте)

© 2012. Қазақстан Республикасы Әділет министрлігінің «Қазақстан Республикасының Заңнама және
құқықтық ақпарат институты» ШЖҚ РМК